

БАТЛАВ.

МОНГОЛЫН ПРАКТИК БУУДЛАГЫН
ХОЛБООНЫ ЕРӨНХИЙЛӨГЧ

Д.НАРАНБААТАР

**“5.11 TACTICAL” БРЭНДИЙН НЭРЭМЖИТ
“5.11 CHALLENGE - 2018” ПРАКТИК БУУДЛАГЫН СПОРТЫН
II ТҮВШНИЙ ТЭМЦЭЭНИЙ УДИРДАМЖ**

Тэмцээн зохион байгуулах газар, байгууллага, хугацаа: Боловсрол, Соёл, Шинжлэх ухаан, Спортын яамны Сайдын тушаалаар батлагдсан 2018 оны хуваарийн дагуу “5.11 tactical” брэндийн нэрэмжит “5.11 challenge - 2018” практик буудлагын спортын II түвшний тэмцээнийг 2018 оны 5 дугаар сарын 12, 13-ны өдрүүдэд Монголын Практик Буудлагын Холбооны Төв клубын буудлагын талбайд зохион байгуулна. Тэмцээний ерөнхий ивээн тэтгэгчээр “5.11 tactical” брэндийн Монгол дахь дистрибьютер Бродер Мерчантс ХХК ажиллана.

Төв клубын байршил: Төв аймаг, Сэргэлэн сум, Тахилтын ам /УБ хотоос Зуунмод сум орох замд 29 дэх км-ын заалтын шонг өнгөрөөд баруун гар тал руугаа салж зүүн урд зүгт 3 км явна/.

1. Тэмцээний зорилго:

- Шигшээ багийг бүрдүүлэх сайн тамирчдыг тодруулах
- Практик буудлагаар хичээллэгч тамирчдын ур чадварыг өсгөх
- Спортын тамирчдын залуу халааг бэлтгэх
- Практик буудлагын спортыг хөгжүүлэн дэлгэрүүлэх
- Монгол улсын иргэдэд цэрэг эх оронч үзлийг төлөвшүүлэхэд хувь нэмэр болох
- Монгол улсын иргэдэд галт зэвсэгтэй аюулгүй харьцах соёл, дадлыг түгээх
- Монгол улсын иргэдийн дунд биеийн тамир спортыг сурталчилан таниулах
- Тусгай чиг үүргийн албадын галт зэвсэг хэрэглэх алба хаагчдын ур чадвар, мэдлэгийг ахиулахад хувь нэмэр болох
- “5.11 tactical” брэндийн бүтээгдэхүүнийг сурталчлах

2. Зохион байгуулах бүрэлдэхүүн:

Тэмцээний удирдагч:	Монголын Практик Буудлагын Холбооны Ерөнхийлөгч Д.Наранбаатар
Ерөнхий шүүгч:	Монголын Практик Буудлагын Холбооны Нарийн бичгийн дарга Ч.Дэлгэр
Шүүгч нар:	Монголын Практик Буудлагын Холбооны итгэмжлэгдсэн шүүгч нар

“5.11 tactical” брэндийн нэрэмжит Практик буудлагын тэмцээнийг практик буудлагын спортын дүрмээр явуулна. Энэхүү тэмцээнийг зөвхөн Монголын Практик Буудлагын Холбооны Төв зөвлөлийн зөвшөөрлөөр явуулах ба практик буудлагын спортын итгэмжлэгдсэн шүүгч нар шүүх эрхтэй.

Тэмцээнийг зөвшөөрөлгүйгээр зохион байгуулсан тохиолдолд тэмцээний үр дүнг тооцохгүй ба зөвшөөрөгдөөгүй тэмцээнд оролцогчид, үзэгчдийн аюулгүй байдалд Монголын Практик Буудлагын Холбоо хариуцлага хүлээхгүй.

3. Тэмцээний бүртгэл

- Тэмцээний бүртгэлийг 2018 оны 5-р сарын 10 өдрийн 18:00 цаг хүртэл хийнэ.
- Нэг байгууллагаас хэдэн ч баг, тамирчин оролцож болно.
- Бүртгэлийг:
 - Зөвхөн www.ipsc.mn цахим хуудсаар хийнэ.
 - Лавлах зүйл байвал 99063969 дугаарын утсаар /МПБХ-ны Нарийн бичгийн дарга Ч.Дэлгэр/ холбогдоно.
- Бүртгүүлэхдээ зохих маягтын дагуу мэдээллийг үнэн зөв, бүрэн өгнө.
- Мэдээллийн үнэн магадыг бүртгүүлэгч өөрөө хариуцна.

4. Тэмцээний нөхцөл

Ерөнхий зааварчилгаа: Дасгал бүрийг бүртгэгдсэн оролцогч нар ээлж дараагаар гүйцэтгэнэ. Буудагч бүрт хувийн онооны хуудас олгогдох ба буудлагын талбайн шүүгчээр авсан оноо, дасгалыг гүйцэтгэсэн хугацааг тэмдэглүүлж гарын үсэг зурна. Дасгал гүйцэтгэх буудагч нь зөвхөн талбайн шүүгчийн командаар зэвсгийг гаргаж цэнэглэнэ.

Дасгалыг гүйцэтгэх буудагч нь галын шугам дээр талбайн шүүгчийн “Зэвсэг цэнэглэж бэлдэнэ үү” командаар зэвсгийг гэр, савнаас гарган цэнэглээд дасгалын заагдсан нөхцөлөөр бэлэн байдалд орно. Дараагийн “Бэлэн үү?” командын хариуд буудагч “Бэлэн” гэж хэлэх эсвэл толгой дохих, чимээгүй байдлаар дасгалыг гүйцэтгэхэд бэлэн гэдгийг илтгэнэ. Шүүгч “АНХААР” команд өгч 1-4 секундын дараа дуут дохиогоор дасгалыг эхлэх хугацаа явж, сүүлчийн буудалтаар хугацаа зогсоно.

Дасгал гүйцэтгэсний дараа шүүгчийн “Хэрэв буудаж дууссан бол зэвсгийг шалгаж аюулгүй болгоод харуулна уу” командаар цэнэггүй болгосон зэвсгийг шүүгчид харуулан дараагийн “Хэрэв зэвсгийг шалгасан бол хяналтын буудлага /хуурай буудлага хийж чавхыг буулгана/, Зэвсэг гэрт” командаар буудагч нь аюулгүй байдлыг сахин аюулгүй болгосон зэвсгийг гэр, сав, тавиурт байрлуулна.

Шүүгчийн “байг шалга” командаар бай руу явна. Шүүгч нар байг шалгаж алдаа оноог тэмдэглэнэ. Буудагч өөрийн онооны хуудас үнэн зөв бөглөгдсөн

эсэхийг нягтлаад гарын үсгээр баталгаажуулна. Онооны хуудсыг онооны шүүгч хураан авч цахим хэлбэрээр дүнг гаргана.

Үр дүнг тооцохдоо тухайн дасгалд авсан оноог гүйцэтгэсэн хугацаанд хуваана. Хугацааг секундын мянганы нэгжээр нарийвчлан тооцно. Тэмцээнд оролцогч нь зарлагдсан хугацаанд багтан бүртгүүлнэ. Тэмцээн дараах үндсэн хоёр төрлөөр явагдана.

Гар буу: 5 дасгалд 5 бүлэг буудагч байна. 1-р бүлэг эхний дасгалыг гүйцэтгэж байх үед бусад 4 бүлэг нь тус бүрийн дасгалыг гүйцэтгээд тухайн бүлгийн бүх буудагч буудаж дууссаны дараа дараагийн дасгалын талбай руу тойргийн журмаар шилжин явна. Үр дүнг тооцохдоо тухайн дасгалд авсан оноог гүйцэтгэсэн хугацаанд хуваана. Хугацааг секундын зууны нэгжээр нарийвчлан тооцно.

Карабин: 5 дасгалд 5 бүлэг буудагч байна. Эхний бүлэг буудагч дасгалыг гүйцэтгэж дуусаад дараагийн дасгал руу шилжин явна. Үр дүнг тооцохдоо тухайн дасгалд авсан оноог гүйцэтгэсэн хугацаанд хуваана. Хугацааг секундын зууны нэгжээр нарийвчлан тооцно.

Цагтай буудлага буюу “Best time for best watch” тэмцээн – Гар буу болон карабины нийлбэр цогц дасгал. Өгөгдсөн нөхцлийн дагуу хамгийн богино хугацааны үзүүлэлтийг шалгаруулна. Оролцогчийн тоо хязгаарлахгүй, тамирчин өөрийн хүсэлтээр 10,000 төгрөгийн хураамж төлөөд буудлага хийнэ;

5. Тэмцээнд хэрэглэх галт зэвсэг, сум, хэрэгсэл

- Сум: Шатаагч болон гэрэлтэгч, хуяг нэвтлэгч сум ашиглахыг хориглоно
- Гар буу: 9x19 мм болон 9x18 мм-ийн калибрийн гар буунууд.
- Карабин: 5.45 мм-ээс дээш калибрийн бүх төрлийн хагас автомат карабин.

Аливаа сум хэрэгслийг Шүүгч аюултай гэж үзвэл тэмцээнд ашиглахыг зөвшөөрөхгүй. Гар бууг суганд зүүхийг хориглоно. Буудагч нар гар бууг зөвхөн ташаанд зүүнэ. Гар буу гэрт байх үед гохны хэсэг бүрэн далдлагдсан байна. Гар бууны гэр бүс нь өмдний 3-аас доошгүй гогцоонд найдвартай бэхлэгдсэн байна. Гэрт хийсэн гар бууны гол төмрийн чиглэлийн тусгал буудагчийн хөлнөөс 1 метрээс ихгүй байна.

6. Тэмцээнд оролцогч

Тэмцээнд оролцогч нь Монголын Практик Буудлагын Холбооны гишүүн, буудлагын спорт холбоод, өмнө нь МПБХ-оос зохион байгуулж байсан тэмцээнд оролцож байсан болон сургалтад хамрагдсан буудагч, төрийн тусгай албадын алба хаагч нар байна. Оролцогчдыг дараах ангилалд хуваана. Үүнд:

1. МПБХ-ны гишүүд

2. МПБХ-ны гишүүн бус: Галт зэвсгийн тусгай сургалтад хамрагдсан, аюулгүй ажиллагааны дүрэм журмыг эзэмшсэн, галт зэвсэг ашиглан үүрэг гүйцэтгэх эрх бүхий төрийн тусгай албадын алба хаагч нар (МПБХ-ны гишүүн алба хаагчид үүнд хамаарахгүй)
3. Эмэгтэйчүүд

Практик буудлагын спортын тэмцээнд оролцож байгаагүй, эсхүл аюулгүй ажиллагааны сургалтад хамрагдаагүй албаны болон спортын буудагч нарыг тэмцээнд оролцуулахгүй.

7. Тэмцээний ангилал

1. Гар бууны ангилал:
 - Стандарт ангилал: Харааны болон бусад нэмэлт, тусгай тоноглолгүй 9x19 мм-ийн калибрийн бүх төрлийн гар буунууд.
 - Макаров ангилал: 9x18 мм-ийн калибрийн ПМ маркийн гар буу.
2. Карабины ангилал:
 - Стандарт ангилал: Харааны болон бусад нэмэлт, тусгай тоноглолгүй 5.45 мм-ээс дээш калибрийн бүх төрлийн хагас автомат карабинууд.

Баг 4 гишүүнтэй байна. Практик буудлагын спортын дүрэм ёсоор тухайн ангилалд 10 ба түүнээс олон тооны буудагч буюу 5-с доошгүй тооны баг бүртгэгдсэн тохиолдолд тухайн ангиллыг хүлээн зөвшөөрч, хувийн буюу багийн дүнгээр шалгаруулалт хийнэ. Хэрэв тухайн ангилал болон төрөлд оролцогч буудагчийн тоо 10 хүрсэн боловч багийн тоо 5-д хүрэхгүй бол зөвхөн хувийн дүнгээр шалгаруулалт хийнэ.

8. Аюулгүй ажиллагааны шаардлага

Тэмцээнийг явуулахад аюулгүй ажиллагааны журмыг чанд сахина. Оролцогч тамирчид ба үзэгчдээс аюулгүй ажиллагааны дүрэм, журмыг биелүүлээгүй тохиолдолд тэмцээний талбайгаас гаргана.

- 1. Зэвсэгтэй үргэлж цэнэгтэй мэт харьцана.**
- 2. Зэвсгийг үргэлж аюулгүй зүгт чиглүүлнэ.**
- 3. Буудахын өмнө байны наана болон цаана юу байгааг үргэлж хянана.**
- 4. Зэвсгийг бай руу чиглүүлэхээс бусад тохиолдолд гох дээр хурууг тавихгүй.**

Буудлагын талбайд байгаа бүх буудагч нарын гар буу зэвсгийн гэрт, карабин болон винтов төрлийн зэвсгүүд зориулалтын хайрцаг, тавиурт магазин угсраагүй, цэнэггүй байдалтай байна. Үүнд буудлагын талбайн харуул хамгаалалтын ажилтан хамаарахгүй. Тэмцээнд оролцогч бүр өөрийн бие болон сэтгэл зүйн байдлыг бүрэн хянах ёстой.

Тамирчид болон бусад оролцогчид мансууруулах болон сэтгэцэд нөөлөөлөх бусад /архи, тамхи г.м/ зүйлсийг хэрэглэхийг хатуу хориглоно. Эмчилгээний зорилгоор ашиглаж байгаа бол эмчийн бичгээр өгсөн баталгаанаас гадна тэдгээр нь хариу үйлдэл, сэтгэц болон биеэ авч явах байдалд нь нөлөө үзүүлэхгүй байх шаардлагатай.

Буудлагын талбайд байгаа хүн бүр хамгаалалтын нүдний шил, чихэвчийг байнга зүүнэ. Шүүгчийн зөвшөөрөлгүйгээр зэвсгийг гэрнээс гаргах, магазин угсрахыг хориглоно.

Зэвсэгтэй харьцах бүх үйлдэл нь зөвхөн шүүгчийн командаар галын шугам дээр эсвэл “АЮУЛГҮЙН БҮС” дээр хийгдэнэ. “АЮУЛГҮЙН БҮС” гэдэг нь тухайн буудлагын талбайд аюулгүй зүгт хуурай дасгал хийх, зэвсгийг задалж угсрах, тослох, засвар үйлчилгээ хийх зэрэг буудахаас бусад үйлдэл хийхийг зөвшөөрсөн газрыг хэлнэ.

“АЮУЛГҮЙН БҮС”-д хориглох зүйл

- ❖ Сум бүхий магазинд гар хүрэх, сум болон түүнтэй ижил төстэй загварын сум хэрэгслийг гарт барих, зэвсгэнд сумтай магазин угсрахыг хориглоно.

Буудагч галын шугамнаас бусад газарт зэвсгийг санамсаргүй унагаасан тохиолдолд тэмцээнээс хасагдах арга хэмжээ авагдахгүй ба зэвсгийг газраас өөрөө авахыг хориглоно. Талбайн шүүгч унасан зэвсгийг газраас авахдаа оролцогч болон үзэгчдийг холдуулж, зэвсгийн амыг аюулгүй зүгт харуулан авна.

Магазиныг буудлагын талбайн аль ч хэсэгт сумлаж болно. Ажил үүргийн шаардлагаар биедээ зэвсэг авч явах эрх бүхий зарим төрийн тусгай албадын буудагч нар буудлагын талбай руу орохоос өмнө зэвсгээ цэнэггүй болгож, гарахдаа цэнэглэн гарч болно.

9. Хувцас хэрэглэл

Тэмцээний хувцас хэрэглэл МПБХ-ны дүрмийн дагуу байна. Иргэний болон спорт холбоодын буудагч нар өнгөлөн далдлалтын болон цэргийн хувцас өмсөхийг хориглоно. Хууль сахиулах болон цэргийн байгууллагын буудагч нар суганаас бусад байрлалд бэхлэх албаны зориулалт бүхий зэвсгийн гэрүүдийг хэрэглэхийг зөвшөөрнө. Мөн нүдний хамгаалалтын шил, чихэвчийг заавал зүүсэн байна.

10. Байнууд

Практик Буудлагын Спортын тэмцээнд 20 ба 30 сантиметрийн диаметртэй төмөр бай (гонг), цаасан байнуудыг ашиглана. Цаасан байг байршуулах дээд өндөр 1.5 м.

11. Тэмцээнээс хасах.

- Дасгалыг гүйцэтгэх явцад буудлагын аюулгүйн өнцөг алдсан
- Дасгалыг гүйцэтгэх шилжилт хөдөлгөөний үед гох дээр хуруу тавьсан
- Спортын бус байдлаар биеэ авч явах, хууран мэхлэх, спортын дүрмийн бус байдлаар давамгай байдал олж авах гэсэн оролдлого, үйлдэл гаргах, зүй бус үг хэллэг хэлэх, тэмцээн зохион байгуулагчдын зүгээс тавьсан ухамсарт шаардлагыг биелүүлээгүй... г.м тохиолдолд
- Практик буудлагын спортын дүрэмд заагдсан бусад нөхцөлүүд
- Галын шугамнаас гадна зэвсэгт магазиныг угсарсан
- Галын шугамнаас бусад газар зэвсгийн хошууг аюултай зүгт чиглүүлсэн тохиолдолд тэмцээнээс хасна.

12. Тэмцээний хөтөлбөр

Анхаарах зүйл: Буудлагын талбай дээр зохион байгуулагдаж байгаа бүх төрлийн арга хэмжээний зохион байгуулалт, оролцогч, үзэгчдэд аюулгүй ажиллагааны шаардлагыг хангах, биеэ зөв авч явахыг шаардах бөгөөд архидан согтуурахыг хатуу хориглоно.

2018 оны 5-р сарын 12. Бямба гариг:

МГБХ-ны буудлагын талбай дээр:

09:00-10:00 – Бүртгэл баталгаажуулалт, зэвсгийн шалгалт

10:00-13:00 – Карабины тэмцээн хувийн болон багийн дүнгээр явагдана

13:00-13:30 – Тэмцээний нээлтийн арга хэмжээ

13:30-14:00 – Цайны завсарлага

14:00-17:00 – Карабины тэмцээн

10:00-17:00 – Best time for best watch тэмцээн явагдана

10:00-17:00 – Ивээн тэтгэгчийн зүгээс тэмцээний үзэгч, оролцогчдод зориулсан төрөл бүрийн хөгжөөнт, цэнгээнт арга хэмжээ

2018 оны 5-р сарын 13. Ням гариг:

МГБХ-ны буудлагын талбай дээр:

09:00-10:00 – Бүртгэл баталгаажуулалт, зэвсгийн шалгалт

10:00-13:00 – Гар бууны тэмцээн

13:00-13:30 – Цайны завсарлага

13:30-16:00 – Гар бууны тэмцээн

16:00-17:00 – Онооны тулгалт, хяналт

10:00-17:00 – Best time for best watch тэмцээн явагдана

10:00-17:00 – Ивээн тэтгэгчийн зүгээс тэмцээний үзэгч, оролцогчдод зориулсан төрөл бүрийн хөгжөөнт, цэнгээнт арга хэмжээ

Улаанбаатар хотод, “5.11 tactical” нэрийн дэлегүүрийн доор байрлах “My Lounge” ресторанд:

19:00-21:00 – шагнал гардуулах ёслол, тэмцээний хаалтын ажиллагаа

12. Шагнал, урамшуулал

Ангилал, төрөл тус бүрээр багийн болон хувийн дүнгээр эхний 3 байрыг шалгаруулж медаль, өргөмжлөл, үнэ бүхий зүйлээр шагнана. Гар буу болон карабины тэмцээний медалийн тоог дараах хүснэгтээр харуулав.

№	Ангилал	Төрөл	Медалийн тоо
Нэг. Карабины тэмцээн			
1.1	Стандарт	Гишүүн	Хувийн дүн 1 багц
1.2			Багийн дүн 4 багц
1.3		Гишүүн бус	Хувийн дүн 1 багц
1.4			Багийн дүн 4 багц
1.5		Эмэгтэйчүүд	Хувийн дүн 1 багц
Хоёр. Гар бууны тэмцээн			
2.1	Стандарт	Гишүүн	Хувийн дүн 1 багц
2.2			Багийн дүн 4 багц
2.3		Гишүүн бус	Хувийн дүн 1 багц
2.4			Багийн дүн 4 багц
2.5		Эмэгтэйчүүд	Хувийн дүн 1 багц
2.6	Макаров	Бүгд	Хувийн дүн 1 багц
Нийт			23 багц

Төрөл тус бүрд хувийн дүнгээр тэргүүлсэн тамирчдад олгох шагнал:

- 1-р байр: Алтан медаль, өргөмжлөл, 300,000 төгрөгийн бараа авах эрх
- 2-р байр: Мөнгөн медаль, өргөмжлөл, 200,000 төгрөгийн бараа авах эрх
- 3-р байр: Хүрэл медаль, өргөмжлөл, 100,000 төгрөгийн бараа авах эрх

Төрөл тус бүрд тэргүүлсэн багуудад олгох шагнал:

- 1-р байр: Алтан медаль, өргөмжлөл
- 2-р байр: Мөнгөн медаль, өргөмжлөл
- 3-р байр: Хүрэл медаль, өргөмжлөл

Бүх оролцогчдыг нийлбэр дүнгээр манлайлсан гар буу болон карабины төрөл тус бүрт 1 буудагчид “Шилжин явах цом” олгоно.

“Best time for best watch” тэмцээн: Хамгийн богино хугацааны үзүүлэлт бүхий 1 хүнд “5.11 watch” бугуйн цаг

“Face of 5.11” брэндийн шалгаруулалт: Тэмцээн зохион байгуулагдсан хоёр өдрийн турш “5.11 tactical” брэндээр өвч бүрэн, хамгийн үзэмжтэй, зохимжтойгоор хувцаслаж, тоногдсон 1 хүнийг ивээн тэтгэгчийн зүгээс гарын бэлгээр урамшуулна.

Боловсруулсан:

МПБХ-ны нарийн бичгийн дарга

Д.Энхбаатар

Хүлээн зөвшөөрсөн:

Бродер Мерчантс ХХК-ийн захирал

Б.Тамир